

Rome, juillet (?) 1600.

1 / Reverende Pater. Distuli hucusque literis R. V. respondere,
quod sperarem P. Franciscum Costerum brevi ad vos rediturum: ut per
eum literas meas acciperetis, per quem ego vestras acceperam. Sed
quoniam video negocia Procuratorum in Urbe tam lente progredi, ut
5 periculum sit, ne ante autumnum perfici possint; nolui committere,
ut me diutius huius officii debitum premeret. Ago igitur gratias
toti provinciae, quod et meos tenuissimos labores isthic ex obedièn-
tia susceptos tam grata memoria prosequatur, et quod me ad Socie-
tatem nostram adjuvandam, quod alioquin multis nominibus facere
10 cogor, pia cohortatione incitare voluerit. De congregatione genera-
li non cogenda decretum à Patribus procuratoribus communi consensu
factum, atque à Summo Pontifice approbatum est. Itaque non est, quod
in hac re amplius laboremus; quod superest, ut nihil quod ad insti-
tutum Societatis pertinet, immutetur, dabitur opera diligenter. Ego
15 nihil magis in votis habeo, quam Societatem nostram florentissimam
omni genere virtutum, et perfectionis cernere; et pro mearum virium
tenuitate contendam id efficere, ut officium meum non desideretur.
Ergo provinciam vero istam ita sum affectus, ut par este esse eum,
qui totum septennium pene omnium patrum, et fratrum, qui tunc in ea
20 degebant, benevolentiam, et gratiam sit expertus. Precor toti pro-
vinciae a Deo copiosam gratiam, et me Reverentiae vestrae, et omni-
um patrum, et fratrum precibus ex corde commendo. Romae.

F. B. 5, f. II3. Brouillon autogr. - Fuligatti, Epist. familiares 8.